

Gvangjsih Minzcuz Bau

Cawjguen: Gvangsih Bouxcuengh Swcigh Minzcuz Cunghgyau Swvu Veijyenzvei Cawjbanh: Gvangsih Minzcuz Bause Geiz neix 8 banj
广西民族报 Aenhauh okbanj: CN45-0036 B.2022 Nd.8 Ng.17 Liggaueq nyaemyzin nienz ndwencaet ngeihcib Geizsoq: Gungh daih 3537 geiz

Siz Ginbingz Hoiz Saenq Hawj Lij Beizswngh Huz Yaujcunh “Vunzndei Cungguk” Giengzdiuh Gaenxmaenx Cienzboq Caen Sienh Ndei Cienzndenq Naengzliengh Cingq Daiqdoengh Engqlai Vunz Henzgyawj Guh Ndei 习近平给“中国好人”李培生胡晓春回信强调 积极传播真善美传递正能量 带动更多身边人向上向善

Sinhvazse Baekging 8 nyied 14 hauh dienh Cunghgung Cunghyangh cungjsuhgi, guekgya cujsiz, Cunghyangh Ginhveij cujsiz Siz Ginbingz 8 nyied 13 hauh hoiz saenq hawj Lij Beizswngh, Huz Yaujcunh bouxvunz guhhong Dieg Funghgingj Byavangzsanh Anhveih, maqmuengh gyoengqde laebdaeb guh'ok gij cozyung yienghndeidei “vunzndei Cungguk”.

Siz Ginbingz youq ndaw saenq naeuz, gyoengqsou daengx bi youq datbya guh hong sauqbaet, ngoenz liux ngoenz moq henhoh gocoengz

coux hek cien bi, yungh sim yungh cingz soujhoh Byavangzsanh, cunghfaen yienh'ok gij cingsaenz gingqnieb fouzsei okrengz.

Siz Ginbingz giengzdiuh, giz ceiq bengz “vunzndei Cungguk” couhdwg youq mwh guh hong bingzciengz cauh cingzcek mbouj bingzciengz. Maqmuengh gyoengqsou laebdaeb guh'ok gij cozyung yienghndeidei, gaenxmaenx cienzboq caen sienh ndei, cienzndenq naengzliengh cingq, daiqdoengh engqlai vunz henzgyawj guh ndei, fatyengz sevei cuji

hwzsinh gyacizgvanh, ceng guh boux gunghminz ndei sevei, boux yenzgungh ndei danhvei, boux cwngzyenz ndei ndaw ranz, vih saedyienh Cunghvaz Minzcuz fukhwng hungmbwn ok goengrenz bonjfaenh.

2008 nienz hainduj, Cunghyangh Vwnzmingzban cujciz guh hozdung gwnz muengx “gou doigawj gou bingz-lwnh vunzndei henzyawj”, daengz seizneix gaenq goengbough “buengj vunzndei Cungguk” 150 geiz, gungh miz 16228 boux(cuj) ndaej senjhaeuj “vunzndei Cungguk”. Lij Beizswngh,

Huz Yaujcunh youq Dieg Funghgingj Byavangzsanh faenbied dwg guh hong sauqbaet caeuq henhoh gocoengz coux hek, 2012 nienz caeuq 2021 nienz gonqlaeng ndaej senjhaeuj “vunzndei Cungguk” loih gingqnieb fouzsei okrengz. Mboengqneix, Lij Beizswngh, Huz Yaujcunh raiz saenq hawj Siz Ginbingz cungjsuhgi, bauqlwnh guhhong cingzgvang caeuq gij sim naemj, gangjok le laemxsim vih henhoh Byavangzsanh gyaundeidei, hwnqguh aen Cungguk gyaundeidei ok goengrenz.

Mbanjmyauz Mbanjdung “Guh Doengznienz” Minzcuz Doxgiet Ranz Caen Ndeu 苗乡侗寨“打同年” 民族团结一家亲

8 nyied 10 hauh, Yungzsuij Myauzcuz Swciyen Aen Hezvei Venz 160 lai boux vunz gak cuz bae daengz Vaizbauj Cin Banzungz Cunh Mbanjyaganj Mbanjdung guh hozdung caij din venz “guh doengznienz”. Vunzmbanj Mbanjyaganj ndang daenj buhvaq moqsag angqcoux gyoengq “doengznienz” ndaw singz daeujdaengz, youq bakdou doiq fwen, gingq laeuj, boq venz, angqcoux “doengznienz” haeuj mbanj. Doenggyaq “guh doengznienz” hozdung, dap aen bingzdaiz doxgyau doxdoeng, hawj gak minzcuz lai dox baedauq, fatyengz minzcuz vwnzva, bangrengz saenqhwngh lajmbanj.

(Vangz Cwngz Lungz Dauh Lungz Linzci)



Nanzningz Si Banh Aen Hozdung Vwnzva Lijyouz Haeuj Diuzgai Gai Huq 南宁市举行文化旅游进商圈活动

8 nyied 12 hauh daengz 13 hauh, Nanzningz Si Vwnzva Gvangjden Caeuq Lijyouz Giz youq Nanzningz Vansiengcwngz banh aen hozdung Nanzningz Si vwnzva lijyouz haeuj diuzgai gai huq • lijyouz hawsingz seizhwngh 2022 nienz “lauxyoux doxduenq youz Nanzningz”. Hozdung hopheux “lauxyoux Nanzningz” vwnzlij binjbaiz, doiok doigvangq gaisau vwnzlij Nanzningz, yienjheiq, baij gai huq lai yiengh daengj hozdung,

cienzndenq gij yinxdaeuz hawsingz Nanzningz.

Hozdung geizgan, Nanzningz Si Vwnzlij Giz cujciz Vansiengcwngz, Byacinghsiusanh, Nanzningz Yenzbozyenz daengj ginggih giyez, ciuq sujyay lijyouz aeuyungh, cinjdeng doigvangq gaisau hozdung nauhyied, huq cawjdae, gai cienh, caemhcai guh dangciengz dox siugai, soengq fei dou mbouj aeu cienz, bohlgw yenzgiu hagsib lijyouz, huq vwnzvang miz

daegsaek daengj huq hawj bouxyawj.

Daj 3 nyied 13 hauh cingqsik hainduj guh hozdung doxdaeuj, daengz ndawcib 8 nyied, Nanzningz Si gaenq gonqlaeng banh 9 ciengz hozdung doigvangq siugai vwnzva lijyouz haeuj diuzgai gai huq, yienj 85 ciengz heiq haeuj diuzgai gai huq, ca mbouj geijlai 250 aen vwnzlij giyez camgya hozdung, gaenxmaenx coengh vwnzlij siuhfei.

Ciuq cam rox, Nanzningz Si

Vwnzlij Giz youq 8 nyied daengz 12 nyied geizgan, yiemzgek doeksaed fuengz binghra q doengzseiz, laebdaeb giethab “lijyouz + yienjheiq + gai huq”, dajveh youq Veicanj • Hangzyangzcwngz, Nanzningz Yinsiengcwngz, Sienghshw Siujcin daengj dieg miz daegsaek, guh 10 ciengz doxhwnj hozdung, hawj vunz bae lijyouz, doidoengh vwnzlij swhyenz caeuq gai huq doxyungz hwngfat.

(Cau Ginhlingz)